

四庫全書

史部

欽定四庫全書

欽定石峯堡紀畧卷十

六月十二日乙未五岱李侍堯剛塔俞金鰲圖桑
阿阿爾薩朗奏言查賊人共有四路其一路即鹽
茶窮蹙餘匪竄入官川勾連馮家灣等處新教佔
據馬家堡復經逃竄馬營之賊又一路係石峯堡
屯聚之賊又一路係伏羌糾合助逆之賊又一路
係糾聚潘隴山與底店回匪會合之賊此路賊人

現在靜寧滋擾其餘三路俱會於伏羌尚有留在
石峯堡與將軍傅王之兵相拒者嗣經官兵伏羌
雲霧山三次剿殺殲戮甚多賊衆奔竄其所過村
庄輒分遣黨羽誑稱官兵剿洗回民藉此煽誘先
經臣等出示曉諭是以各處回民多不肯從賊並有
拒擊殺賊割獻首級及生擒解送軍營者臣等帶
兵于初一日至田家山查興漢鎮臣三德先經臣
等委令帶兵一千六百名前往靜寧州該鎮現尚

與賊相持賊人即於田家山對面山梁之上憑高
據險扎營拒守臣等隔山觀看賊營帳房尚多又
甘省雖係土山綿亘但立土經雨冲刷多成陡壁
中隔深溝旋繞紆折往往對山相拒看似甚近及
繞道前往便有一二十里之遙如從前賊人所佔
之馬家堡亦非平地村庄乃係懸崖立礪頂上方
是堡門而其後又有羊腸山徑昨臣五岱前赴軍
營路經該堡察其形勢實為險峻賊人所據山梁

中間河溝兩道一路可竄石峯堡一路可竄靜寧
州偵詢賊情尚在遲疑不定臣等公同商酌賊雖
憑高據險但當探明路徑相機設法視可進兵之
路迅速剿捕以期掃滅賊氛謹將各山堡形勢繪
圖恭呈

御覽

同日畢沅奏言甘省地方本係土瘠民貧自四月
間賊回不法到處焚燒殺掠百姓多伏匿山谷顛

沛沅離雖有田疇不能耕獲仰蒙

皇上如天好生

特沛恩綸槩行撫卹臣因與福康安酌商一入甘省境界即應查明村堡戶口招徠流亡轉徙之人分別賑給銀米并得有所棲息則黎氓感戴

天恩淪肌浹髓賊匪更無所脅從實為目前之急務現已陸續解銀十五萬兩送至平涼以備撫卹之用此後當源源運往以應急需均奏入

上命軍機大臣傳諭阿桂福康安曰據五岱等奏官兵
追賊至田家山情形一摺係初二日拜發由邊外軍
臺馳遞轉到在初六日伊等所發奏摺之後閱其所
繪圖內形勢總不清楚昨據五岱等奏已與三德會
在一處尾追賊匪今圖內興漢兵大營仍繪在秦州
界內與所奏不符又底店係賊人巢穴空峒山與底
店徑路通連何以圖內並未繪入着將原圖發交福
康安令其詳細查對將圖內地盤展寬所有賊人前

後分竄屯聚處所以及官兵現在追剿扎營各處路
逕暨方向里數逐一繪出分色粘簽貼說呈覽計福
康安此時早赴隆德由該處進剿底店之賊看來賊
人現在情形已不敢與官兵抗拒亦不能四出搶掠
惟思竄回石峯堡以圖苟延殘喘况據五岱等奏稱
賊人所過村庄輒分遣黨羽謊稱官兵剿洗回民藉
此煽誘經五岱等出示曉諭是以各處多不肯從賊
並有拒擊賊匪割獻首級及生擒解送者此等更當

查賞是賊現已無從四出勾結諒福康安數日內即可將底店之賊剿盡肅清後路與五岱等會合赴石峯堡設法四面堵截攻圍佇聽捷音之至再據畢沅奏陸續解銀十五萬送至平涼以備撫卹之用餘尚源源接解等語前據馮光熊奏甘省藩庫現有銀四百餘萬兩是該省庫項儘敷支用何必又從陝西解往倘途次或有疎虞更屬不成事體此時畢沅駐劄西安止須籌辦車輛馬騾俾無貽誤所有解往之銀

十五萬兩如已解到即可收貯平涼以備賑恤之用
其未經起解者即行停止此外如軍器火藥等項亦
宜遵前旨或于涇州平涼二處暫貯撥支更宜嚴固
防守若能隨同大兵運往更為穩妥

同日五岱李侍堯剛塔俞金鰲圖桑阿阿爾薩朗
又奏言臣等於初三日追賊至雙峴途次據蓮花
城民人前來稟稱有逆回數百人於蓮花城相近
之東山扎營係靜寧底店分出之賊等語查蓮花

城係臣等前日經過扎營之處今官兵已過即有
逆黨潛行遠出恐賊情詭詐欲抄官軍後路或仍
往秦安一帶不可不防臣等現由雙峴追剿賊回
據弁員偵探賊人將帶傷賊匪百餘人送回石峯
堡又有石峯堡出來賊匪五六百人會同雙峴奔
回之賊前往底店一路等語查底店距靜寧甚近
前此靜寧攻城賊匪經城上官兵擊退竄據翠屏
山現已奔回底店恐雙峴之賊一至底店即與該

處賊匪會合自當分兵兩路臣等商派總兵吉蘭
泰帶綠營兵一千名土司楊宗業兵一千名前赴
蓮花城如果有潛伏賊匪即可剿捕如無賊人即
令吉蘭泰由蓮花城取道前往底店抄截賊之後
路臣等督率官兵迅由靜寧迎前截勦計兩路官
兵均於底店會齊再臣等查得靳家寺地方係石
峯堡賊人出入所必由更須留兵防範已派副將
阿穆呼朗帶兵五百名在彼駐劄拏卡斷其來往

勾通之路奏入

上命軍機大臣傳諭阿桂福康安五岱曰五岱等奏由
雙峴追剿賊回一摺總未明晰五岱等本在伏羌剿
辦賊匪賊經官兵連次擊敗奔逃五岱等帶兵追趕
所追之賊現今究往何處况伏羌在南石峯堡在北
靜寧又在東北伏羌之賊業經敗竄五岱等何不設
法派兵從間道邀截剿殺乃惟知在後尾追一任賊
人將帶傷者送回石峯堡而堡內之賊又復出與會

合殊不可解且既係尾追則賊係繞道而至靜寧五
岱等又安能反出其前稱自靜寧迎前截剿况賊人
節次被官兵剿殺不下六百餘名本日據五岱等奏
伏羌逆回家口送往石峯堡時官兵拏獲正法者又
有五百餘口是此時賊人已被殺一千餘日見其少
且現惟首先勾合之石峯堡底店等處賊黨分路逃
竄此外更無敢有聚集接應者可見遠近送回已無
不望風胆落連日未見福康安續有報至自因在甘

陝交界齊集官兵稍為耽擱今五岱等既到靜寧是該處已並無阻梗福康安竟當速赴靜寧與五岱等會剿蓮花城底店等處之賊將後路肅清再往石峯堡剿辦倘底店等處之賊見大兵雲集先竄回石峯堡福康安遵照前旨仍派兵嚴防後路再與五岱等同往石峯堡堵截攻圍以期一舉集事現在寧夏滿兵及阿拉善兵俱已到彼延綏兵亦必早到福康安與五岱等會在一處兵力更為厚集想已足敷剿賊

之用著福康安即通盤籌畫現在官兵若干如兵力
已足大局俱定福康安酌量情形毋須添兵接濟所
有復興續行帶往京兵一千名即可一面奏聞一面
行文撤回以省往返跋涉而保寧等昨日續奏預備
之桑朗雍中土兵二十名更可無須調往至賊人由
鹿鹿山竄回伏羌今又由伏羌竄往蓮花城底店等
處傳玉永安尚帶兵二十在鹿鹿山扎營空守究有
何事著福康安即遵前旨速行查明奏覆

同日李侍堯又奏言臣前於安定道旁盤獲形跡可疑之道士徐璠成訊據供稱係岷州人在金縣興隆山當道士今年正月內有通渭縣王會長請我到馬營十王廟內住廟五月初七日回賊到來將我裹去跟著打仗帶有矛傷昨賊營裡使我來安定打探官兵信息并勾結新教就被盤獲賊營為首係張阿渾賊衆有千餘人等語查該犯甫至賊營已隨同打仗并為探聽消息勾結匪黨情殊

可惡業于審明之日即行正法再徐璠成供出安定城中通賊匪犯數名即經拏獲審訊復據獲犯馬三九子供有欲往蘭州河州勾合新教之語臣已密札藩司暨河州鎮將供出蘭州勾合之犯按名嚴拏訊辦其安定所獲通賊各犯隨審隨辦均已正法

同日五岱剛塔又奏言臣等從前拏獲賊犯俱供稱石峯堡賊匪帶有家口數千前往伏羌秦州一

帶等語嗣經連次打仗查得石峯堡止有分出賊人並無攜帶家眷其家口仍在該堡藏匿唯有伏羌從逆回匪欲將家口送往石峯堡因官兵攻剿甚急賊人逃竄時不暇攜帶經臣等拏獲正法者共有五百餘口

同日畢沅又奏言前臣福康安到陝時詢問甘省賊匪並地方情形臣以河東之平涇鞏秦等屬萬山深阻處處可以藏奸賊回雖係烏合之衆但聚

散出沒倏忽不常必先將各處要隘山口先行分
兵堵塞使其無路奔竄則攻剿方能得力而堵塞
去路東南兩面尤為緊要查陝省之隴州汧州鳳
翔麟遊等處綿延三百餘里隘口甚多賊匪總在
各處之西北一帶往來奔逸恐乘間竄入陝疆所
關匪細前雖已撥滿漢兵二千名前往交與副都
統敷倫泰漢興道豐紳設卡堵禦復恐兵力尚單
適太原鎮總兵福敏泰先帶兵一千名前來即令

迅赴鳳隴會同敷倫秦相機辦理是汧隴一帶似可無虞至甘省之秦州東南路通秦蜀最為扼要該處民物殷繁亦多回衆日前賊匪攻逼伏羌即有覬覦秦州之意此處必須一專閫大員駐劄彈壓使賊回不能南竄階成即將來各路進兵亦須用重兵從秦州之清水秦安一路逼剿腹背夾攻始能速就殲滅至平涼東通涇州長武西控瓦亭六盤之險北連固原為河東第一巨鎮六盤山外

近接隆德靜寧賊匪多屯聚於大路以南之山塢
並有竄入空峒山內者距平涼不過三四十里該
處兵備單踈臣與福康安商酌約計延綏總兵策
卜坦所帶兵一千名寧夏及阿拉善兵二千名日
內可到固原因即令其就近駐劄平涼俟福康安
到彼先將底店潘隴山一帶之賊全行廓清以絕
肘腋之患則平涼固原回匪最多之處見有大兵
駐劄自必不敢再萌蠢動之念而駟路可無虞梗

塞矣再鞏昌在通渭之東南西通河州南接秦階
路逕叢深亦屬要地恐賊匪被大兵圍困復從此
路逃竄亦須先行派兵堵塞方可盡數殲除奏
入

上諭曰防禦固應慎重然若汝所籌十萬兵亦不敷
用有是理乎

畢沅又奏言查甘省之隆德靜寧一帶現被賊
人滋擾民間車馬等項勢難雇負自應陝省通

融協濟所有京兵過站經臣

奏明將一應倒站騎馱馬匹俱改用長驪按站遞
發直送軍營較為妥速至驛站所需馬匹甘省
購辦維艱臣前已買馬五百匹送交平涼涇州
等處分派添補近因兵差絡繹尚恐不敷支應
現又買馬五百匹陸續趕程以備供送京兵之
用至火藥鉛丸鑼鍋帳房炮位器械箭枝等項
俱係軍前急需臣日內分投趕辦或用站車或

用長驪或添雇民車總期寬為儲備送至平涼
以便大兵齊集支用數餘惟官兵口糧一項最
為緊要前福康安亦曾與臣細加商酌查甘省
各屬倉儲近年並未支用想存倉之糧自屬不
少現在各路所調官兵約計三萬名每兵一名
每日支糧一升核算不過每日需糧三百石亦
尚易辦此時自應先儘本省附近州縣倉糧動
撥倘有不敷再從陝省隣界地方設法挽運至

從縣城運至軍營或用本地人夫背送或需陝
省代僱脚騾馱運俟福康安查明各屬倉糧實
數定議咨會到日即行照辦均可不致遲誤奏
入

上諭曰妥為之此固汝所能也

同日李世傑奏言甘省逆回滋擾先經成都將軍
臣保寧四川提督臣成德統率副將李天佑張芝
元等帶領番練兵二千名綠營兵六百名赴甘肅

通渭縣會剿續准陝西撫臣畢沅咨調川兵二千
名往鳳隴一帶防禦經臣於川北及提督各營內
選派足額委川北鎮總兵富祿統領前往茲保寧
等帶兵起程於五月二十七日已抵茂州屬之保
縣地方所有頭二起屯練兵於二十六七日已先
經過其三四起亦於二十八九日全行過完又省
城派往鳳隴之兵於二十七八九日陸續起身臣
復委員馳赴前途催趕各兵星夜遄行一切夫馬

口糧嚴飭經過州縣寬為預備不致稍有遲悞並
委川北道明安保寧府知府趙文興綿州知州張
官五沿途催趲照常前進仍飛飭川北松潘二處
凡與甘省毗連關隘即添兵丁小心防守設有逆
回竄入即嚴拏究辦以杜奸萌再原任江南壽春
鎮總兵袁敏係四川保縣人前經出師滇省金川
屢著勞績于四十八年三月丁母艱回籍茲聞甘
肅送回不法該鎮來省稟請代懇

天恩前往甘肅軍營効力臣查現據將軍保寧等以瓦
寺土司桑郎雍中情願撥土兵四百名出力報効
又屯練番兵尚有派調一千六百名共二千名奏
請撥用如蒙

俞允應飭即日起身目下川省現乏領兵大員臣擬俟
奉

旨後即令袁敏統領前往設毋須撥調而現在派往鳳
隴之川北鎮總兵富祿從未經歷行陣恐一切未

能諳練並擬令袁敏馳赴鳳隴幫同富祿相機酌辦實堪得力奏入報

聞

同日福康安奏言臣自西安帶兵起身初五日到平涼府寧夏將軍莽古賚帶領滿兵已經先到延綏鎮總兵策卜坦帶兵八百名亦陸續到齊旺沁班巴爾所帶阿拉善兵於兩三日內可到至連日賊匪情形據各州縣稟報自二十五日攻擾靜寧

州被守城兵丁擊敗佔踞城外之翠屏山數日後
往東北一帶搶掠林家硤化平店相水店等各村
庄係隆德華亭所屬潘隴山空峒山俱有賊營屯
扎其伏羌城外賊匪已竄赴秦安又復逃回底店
剛塔等帶兵尾追在靜寧州之關山堡劄營等因
臣查賊匪忽聚忽散出沒無常而其巢穴有二處
一係石峯堡一係底店俱靜寧州所屬東西相距
約百餘里底店賊匪約有四千餘人該處與空峒

山瀋龍山相連逼近固原平涼為進兵後路最關
緊要此時自應將底店賊匪先行剿洗查底店距
隆德三十餘里臣現與海蘭察即赴隆德帶兵進
剿直搗賊巢但賊匪詭譎異常聞其數次遇見官
兵稍覺難敵即不敢向前接仗紛紛逃竄官兵徒
事尾追於事無濟必得將其去路堵截方可痛加
殲戮此次揣度賊匪必思復往東南一帶山僻小
路分竄臣詳加訪察華亭所屬之化平店在空峒

山底店適中之地擬分兵前往以防賊匪東竄即可截住剿殺似此分兵攻剿俟殲除賊匪淨盡即至石峯堡併力合攻以期一舉集事再臣前奏將所謂川北鎮兵二千名令在平涼鞏昌分駐嗣經奉有

諭旨令該總兵富祿帶兵由雲棧一帶至汧隴彈壓堵禦臣思川北鎮兵若由寶雞鳳翔前至平涼道里稍遠今賊匪業已竄回鞏昌無須重兵駐守而平

涼亦已就近調到各兵酌留防範似毋庸復留川
兵臣已飛扎該鎮富祿即遵

旨趕赴汧隴堵禦再查甘省被掠村庄前奉

諭旨令臣查明撫卹經臣在西安藩庫先帶銀三萬兩

備沿途撫卹之用惟是該處地方官現在辦理軍

務恐於撫卹事宜不能周妥必須派委府道大員

專司其事適有安肅道鳳翔赴任到甘臣即派令

該道率同通判鶴齡詳細確查實力妥辦至華亭

縣所屬之化平店前經底店賊回焚掠居民逃散
今有自該處逃出居民二十餘人聞臣前赴平涼
自行報到經臣面加詢問內有七人熟悉底店道
路臣遂加安撫並即帶往隆德令為嚮導以便相
機堵截奏入

上命軍機大臣傳諭阿桂福康安曰據福康安奏此時
應將底店賊匪先行剿洗現與海蘭察即由平涼前
往隆德帶兵進剿直搗賊巢正與朕所降諭旨相合

其慮賊由小路竄逸分兵防堵攻剿之處所辦亦皆
中款要項已有旨傳諭福康安如兵力已足續調之
京兵可即行文停止著再傳諭阿桂沿途探聽甘省
剿賊情形如底店及石峯堡之賊經福康安剿洗完
竣僅存伏羌竄逸餘賊阿桂止須帶頭二起京兵五
百名前往幫同福康安搜捕并籌辦善後事宜其三
四起京兵及復興所帶之兵皆可令其撤回至賊人
初次竄往伏羌時傳玉永安等帶兵在鹿鹿山扎營

空守猶可藉詞牽綴賊勢今賊竄往秦安又由秦安
繞回靜寧傅玉等帶兵在鹿鹿山駐劄自應就近遏
其來路乃竟一無策應坐守空山殊不可解著福康
安速即查明叅奏又永鐸奏于二十四日由靜寧前
赴五岱軍營迄今未據續奏而陳步瀛以傅玉五岱
等摺內亦均未奏及永鐸現在何處並着福康安迅
速查明具奏再從前首賊謀逆之李應得等四人已
有旨將伊等拔補千總如此時福康安進剿賊匪已

無需李應得等隨營嚮導之處即就其中選二人送部引見以便詢問賊人滋事情形福康安可諭此係格外加恩尚欲錄用之意令其不必心存畏懼

十三日丙申五岱李侍堯奏言臣等於初六日行抵靜寧離底店九十里正擬就所帶之兵與吉蘭泰分路攻剿接得尚書福康安來咨於初七日准到隆德與臣等合兵大舉為一鼓殲擒之計臣等隨即咨覆先將由靜寧至底店進兵路徑繪圖封

寄侯福康安明日一到即公同商酌合兵分路進剿奏入

上命軍機大臣傳諭阿桂福康安五岱曰五岱等近來籌剿賊匪較前畧得主意自因福康安即到彼有所倚仗精神漸能振作福康安抵靜寧後與五岱等併力進剿底店賊匪無難即時殲盡如賊不敢與官兵抗拒竄入石峯堡福康安自必遵照前旨四面攻圍已于圖內用硃筆圈出並發交福康安等閱看應

照此派兵嚴密圍堵並用大砲于山頂向堡轟擊更可
不勞兵力而悉數殲除但必需將其大賊目設法
生擒留一半于該處審鞫一半解送熱河備訊不可
盡行擊斃方為妥善其四川七練降番攀陟山路是
其所長仍宜令其趕赴軍營以備圍攻石峯堡搜拏
賊目之用至近來五岱李侍堯剛塔等數次剿賊頗
有起色伊等自必商同辦理但究係何人主意為多
着福康安秉公詢訪確實具奏不可稍存袒護

十四日丁酉五岱李侍堯剛塔俞金鰲圖桑阿阿爾薩朗奏言臣等追賊至田家山因賊人憑高據險於初二日晚間商派總兵吉蘭泰帶同遊擊汪啟懷塔哈領兵六百名潛繞山溝往剿賊營臣等一面整兵預備約定吉蘭泰等號鎗一響臣等即帶兵接應于初三日丑刻吉蘭泰等所帶兵丁從小溝繞至山腰賊人已經知覺拔營竄走官兵佔住山梁臣等帶兵趕到即令總兵三德帶兵抄路

截擊隨派兵八百名在左翼剛塔阿爾薩朗蘇靈
帶領復派兵八百名在右翼圖桑阿額爾恒額法
靈阿暨前鋒侍衛永福帶領臣五岱李侍堯俞金
鰲督兵由中路前進據差探員弁回稱賊人現在
雙峴地方扎營並有石峯堡分出賊人前來會合
候官兵打仗等語臣等整兵前進途間即見山頭
雲霧四起追辰刻趕到雙峴賊人迎上拒敵臣等
帶兵進剿正在壓賊之際雷風大作賊即退過上

梁官兵搶佔賊所據地方擺隊等卡其時雨勢愈
猛山水奔注加以大風夜間夾襍電雷至初四日
黎明方止天氣驟寒兵夫凍傷者三名臣等因帶
兵追賊一切賬房馱子尚俱在後陡坡泥濘不能
趕上兵丁衣服器械均被雨淋濕臣等現在嚴密
拏營趕緊將軍械烘烤完妥整頓兵丁迅速帶領
前往

同日李侍堯又奏言查賊人於五月十一日戌刻

攻破通渭縣城都司福德保袋什衣帶兵於十二
日寅刻趕到擊退賊匪收復城垣始據該都司等
稟稱城內倉廩未被焚燒其庫項業經搶去獄囚
亦被放出復據稟稱細查該縣庫貯本無銀錢昨
臣前赴軍營路過通渭查詢城內居民尚俱安堵
臣即面諭署縣黃恩加意安撫仍飭藩司彙入各
處被賊村庄應行撫卹案內查明照例優卹再該
縣獄囚查有命案緩決敝犯三名經賊人放走內

有自行投回者一名其二名現在查緝均奏入

上命軍機大臣傳諭阿桂福康安曰據五岱等奏追賊至田家山情形等摺係初四日拜發由邊外軍臺馳遞轉到在初六七兩日所發奏摺之後計伊等此時已與福康安會在一處剿賊著將原摺發交福康安閱看至回人慣用鮓荅此次剿賊屢經遇雨且有雷致凍傷民夫或竟係賊回施用鮓荀所致亦未可定然總係邪法不能勝正當以此語曉諭衆兵勿懷

疑懼又李侍堯奏通渭縣監內命案緩決絞犯三名
經賊人放走內有一名自行投回者尚屬畏法著照
從前蘇四十三縱放河州監犯自行投回之例寬減
發落其餘二犯竟思倖逃法網不行投到殊屬可惡
應嚴飭地方官上緊查拏務獲並當從重入情實治
罪

同日五岱剛塔俞金鰲圖桑阿奏言伏查副都統
明善帶領西安官兵自靜寧之高廟一路進攻石

峯堡係在石峯堡東北臣等帶兵追賊在鹿鹿山
拏營係在石峯堡西南相距石峯堡三十餘里再
查明善自靜寧前往石峯堡進剿若與鹿鹿山相
通信息須仍由靜寧遠道方抵臣等軍營其靜寧
相距鹿鹿山一百二十里當明善進攻石峯堡時
並未知會臣等在鹿鹿山與賊相持實不知明善
由靜寧進剿信息即副都統永安亦不知明善進
兵情節至五月十三日西安將軍傅玉自會寧到

臣等軍營始知明善由靜寧進剿又十四日據平涼府知府王立柱稟報明善于十二日在石峯堡與賊打仗中矛陣亡等情茲蒙

諭旨詢問所有兩路聲息不通緣由合再恭摺奏

聞奏入報

聞

十五日戊戌福康安奏言臣於初七日行抵隆德探得自伏羌竄往秦安之賊轉回底店五岱李侍

堯等隨後尾追亦至靜寧臣即迎赴前途靜寧州所屬曹務川地方遇見李侍堯剛塔等宣示

諭旨接印任事並將李侍堯革職剛塔革職等問查賊人現在情形大半聚集底店並於潘隴山娘娘廟兩處扎營希圖抗拒底店離隆德三十里於該處進兵較近但路徑叢雜恐賊人又復乘間竄逸一面令五岱等駐劄曹務川定期進剿臣仍回至隆德與海蘭察揀選調到各兵分三路攻剿並派弁

兵於底店各後路以華林堡六盤山險要之處駐
守堵截定於初十日會同五岱等進兵惟是由陰
德至底店皆係山僻小路官兵初至不能熟悉臣
與海蘭察相商必須偵探明白悉其形勢方能直
搗賊巢但多人前往又恐賊人知覺海蘭察於初九
日黎明帶領巴圖魯侍衛章京等十八人至賊營
附近處所詳細踴探進兵路徑及賊人扎營之所
忽見山梁有賊二十餘人內有騎馬賊四人執持

烏鎗器械在彼窺探維時海蘭察隨率同巴圖魯
侍衛等上前迎截殺賊數名三等侍衛富克精額
將執烏鎗之騎馬賊一名射傷拏獲餘賊即棄馬
同步行之賊從僻路奔竄海蘭察等正在追趕見
山梁有牧放牲畜之賊教人隨經


乾清門侍衛額爾登保叅領阿滿泰生擒賊回大小
四人并將賊人所乘馬四匹及牧放之牛六十七
隻驢三十四頭羊八十三隻盡數趕回並得烏鎗

一杆刀矛數件現在臣與海蘭察分派官兵並知
會五岱等定於初十日一同分路進剿又飛咨傳
玉永安在石峯堡附近牽綴堵截以防賊人竄往
務期先將底店逆回痛加殲戮以冀迅掃賊氛奏
入

上命軍機大臣傳諭阿桂福康安曰此次福康安甫抵
隆德因踴探路逕即能擒殺賊匪趕獲牲畜可見事
機湊合滅賊佳兆而先聲所及已足以破逆回之膽

但慮賊人得信復行逃竄然料彼亦無路可去矣據
奏現與海蘭察分派官兵並知會五岱等於初十日
一同分路進剿並飛咨傳王永安在石峯堡附近堵
截如此四面迎剿截殺賊人更無難迅速殲除所有
擒拏賊匪之侍衛富克精額等甚屬奮勉可嘉統俟
捷音馳到時一併從優議叙再據奏訊之拏獲賊人
馬佳英等供稱底店為首之賊係馬武舉就是底店
回人不知名字等語底店賊回為首者竟係武舉實

屬罪大惡極福康安進剿務當設法將該犯生擒解
送熱河審明寸磔以伸國法而快人心至武舉例屬
總督管轄何以平時漫無約束縱令謀逆此非尋常
夫察可比並著福康安查明據實參奏



欽定石峯堡紀畧卷十

欽定四庫全書

史部

欽定石峯堡紀畧卷十一
三

中書臣張經田覆勘

總校官檢討臣何思鈞

欽定四庫全書

欽定石峯堡紀畧卷十一

六月十六日巳亥

上命軍機大臣傳諭阿桂福康安曰近日軍營漸有起色旗鼓一新自當立勦草寇但念此次逆回田五等斷非無故即能糾合黨羽定期起事遠近回人亦即附和隨從之理朕於此事再四思維反躬自問自臨御以來數十年兢兢業業並不敢稍存滿假於民生

疾苦無不時時厪念務期得所而於甘省尤加意撫卹該省連年以來並未聞水旱災歉斷無貧黎失所致匪徒得乘機煽誘或地方官有勒索苛派苦累百姓因而賊人倡亂滋事抑或李侍堯查辦邪教不密致逆回得謊稱勦洗回民藉詞煽誘以上種種各情節思之總不得其故究竟因何而起不得不澈底跟究著傳諭阿桂福康安務向擒獲賊目逐一研鞫並於該處詳晰詢訪起釁緣由據實奏覆毋得稍存迴

護之見至賊人於上年即預備石峯堡巢穴以為退
守之地其所積糧食器械必多自係陸續運往斷難
掩人耳目何以地方文武員弁竟昏如聾瞶毫無聞
見此非尋常失察可比阿桂福康安即遵前旨查明
貽誤之員嚴叅治罪賊人前此肆行無忌往來逃竄
其所需糧食等項尚可向各處村庄搶劫今見官兵
聲勢壯盛又經福康安等痛加勦戮餘賊自必竄回
石峯堡福康安等派兵四面嚴密圍堵後賊人及老

幼眷屬不下萬人藏匿堡內困守坐食其糧食自必
立形匱乏皆從何來惟防各處邪教匪徒尚有為之
暗中饋送者此等為賊接濟之人罪與逆賊無異必
當嚴密查捕一經拏獲究出姓名居址不可使一名
漏網此係盡絕邪教根株之法阿桂福康安當留心
遵照妥辦不可稍存姑息

同日五岱奏言臣等於六月初七日在靜寧州接
欽差尚書福康安來文會商進兵旋於初八日行至靜

寧州三十里亂柴鋪地方接見福康安海蘭察傳

旨固原提督剛塔革職所遺提督印務著

臣五岱署理

臣即於初八日在軍營接印任事隨公同商酌隆

德一路現有寧夏延綏並各鎮官兵三千餘名除

福康安海蘭察在

臣

所帶各營滿漢並老教土兵

內挑派二千餘名帶赴隆德外尚存滿漢兵二千

餘名

臣

同阿爾薩朗俞金鑿圖桑阿興漢鎮三德

城守尉額爾恒額帶領前往並商議於初十日同

往底店進攻初九日駐劄曹務川距賊營約二十餘里是晚大雨初十日雨尚未止

臣現差弁前往

隆德仍向福康安海蘭察商酌該處訂於何時進

攻

臣

等即按時一同進剿其前分往蓮花城一路

之寧夏鎮吉蘭泰現駐劄陳家山梁距

臣

軍營數

十里

臣

亦知會吉蘭泰令不時探聽俟得福康安暨

臣等兩路進攻確信即督率官兵乘機協力進剿

奏入

上命軍機大臣傳諭阿桂福康安曰昨據福康安奏於初十日分路進攻賊匪本日復據五岱奏初九日駐劄曹務川是晚天降大雨初十日雨尚未止等語看來初十日福康安等因天降大雨慎重前進尚未得與賊打仗天氣晴霽後自即剋期分路進攻此時賊人已不能到處勾結亦不能四出搶掠諒官兵進剿不過竄回石峯堡以為苟延殘喘之計福康安等彼時轉不必急於進攻宜倍加持重即使賊人負隅固守

亦止少緩須臾而四面密圍別尋可進之路一鼓殲擒自即完事料賊困守空堡斷不能與官兵久持也至賊人自田五斃後仍分路滋擾通渭伏羌等處是其中必另有主謀為首之人訂期起事倡率賊衆而賊人亦咸聽其指揮者著傳諭阿桂福康安於拏獲賊人時務須究出實在賊首並設法生擒解赴熱河審明寸磔以伸國法而快人心

同日圖薩布奏言

臣

於六月初一日自省起程前

赴鳳翔查辦官兵糧餉及守禦通甘隘口即於初
四五等日馳抵鳳隴一帶查明各該州縣常平倉
儲均足敷官兵口糧之需其料豆草束先經酌發
司庫銀兩飭令鳳翔通屬上緊採買現在俱已備
辦但隴州汧陽麟遊地處山陬採買無多恐各處
官兵到齊之日尚不敷供應臣即於附近各縣派
撥草料趕緊運往協濟仍令該縣等再行四處購
買以便隨時應用至該處各隘口內與甘肅之清

水秦安華亭秦州交界地方或已設卡挖壕或開
成深塹或遍立木柵並經副都統敷倫泰分別險
峻緊要處所派撥滿漢官兵自數十名至三五百
名不等嚴密屯守又於各隘口總匯之處劄安大
營以資策應現在聲勢聯絡布置已屬周密復經
尚書福康安派令已圖魯侍衛章京二員並太原
鎮總兵福敏泰星馳前來會同相機調度現在汧
隴一帶因有各處官兵雲集小民皆知逆回不能

竄入已安堵如常大學士阿桂帶領頭起官兵於
六月十一日到闕臣隨同照料前進沿途供應無
悞再調赴汧隴等處守禦官兵應需口糧等項先
經臣查照成例飭屬備供茲查該州縣商販不通
本地所產糧食無多現在屯劄重兵食指浩繁且
所調本省及鄰省各官兵相距原營均有數百里
至千餘里不等裹帶支取未免寫遠臣已飭知各
該地方官將官兵應得口糧或日給本色或折支

炒麵統在常平倉內動支並於司庫酌發銀一萬兩借給各官兵應得俸餉俾資日用奏入報

聞

同日陳步瀛奏言臣於六月初四日抵靜寧州初五日各路官軍均由秦安追襲賊匪至靜寧州城外駐劄賊匪現於底店屯聚山口俱設有堆卡其附近大路處所雖間出焚掠尚未敢佔踞官道臣於初七日由靜寧馳赴隆德新任督臣福康安亦

於是日至隆德臣當將賊匪情形詳悉面稟督臣
於初八日接任後即調遣官軍由隆德靜寧兩路
進剿以為前後夾攻之計並分遣官兵嚴守各處
要隘以防賊人逃竄賊匪聞風震懾自不敢復肆
鷓張其石峯堡賊人現在據險自守若底店逆回
殲除淨盡自可乘勢進攻至官軍既由隆德靜寧
兩路進剿所有東路糧草均應運至隆德西路糧
草均應運至靜寧臣已分派州縣兩路接收其進

勦之後轉運軍營山路崎嶇間有車馬難行之處
現奉督臣諭令雇覓民夫背負轉運俾無阻滯而
附近貧民得有雇值亦可藉以餬口臣已督飭該
州縣遵照趕辦務令源源接濟無悞軍糈奏入報
聞

十七日庚子保寧奏言臣前次接奉

諭旨派令降番頭目穆塔爾丹比西喇布等帶領番兵
前往甘省勦辦回匪即迅速咨行副將張芝元去

後今據張芝元稟稱促浸降番頭目丹比西喇布
於接到初次調兵咨文時業經將伊派出其僭拉
降番頭目穆塔爾得有鼻齁之症因阿鍾布木又
告稱情願出兵是以未曾派出今穆塔爾病已稍
愈告稱感激

皇上天恩情願帶兵隨後趕往勦賊効力奏入

上諭內閣曰此次甘省勦捕逆回調取四川屯練降番
及阿拉善蒙古兵丁長途跋涉不無勞費所有屯練

降番著賞給一個月錢糧阿拉善兵著賞給銀一千兩卽著福康安於甘省庫項內動撥交保寧旺沁班巴爾分別賞給又據保寧奏穆塔爾現在病中聞甘省調兵即起身前往甚屬急公穆塔爾前已賞給二品職銜著再賞給散秩大臣銜並元寶一個以示朕體恤戎行優加獎勵之至意

臣等謹案四川屯練降番及阿拉善兵丁登陟擊刺是其長技此次派赴甘省助剿逆回一聞

檄調踴躍從征咸知敵愾同仇之義我

皇上軫念戎行

恩施優渥或加賚月餉或賞犒千金復以降番頭目穆
塔爾力疾從軍即

命進階散秩大臣寵榮優厚所以効力行間者益思感
奮一舉而迅掃無餘也

同日永鐸奏言臣於五月二十六日抵鹿鹿山大

營面見傅玉永安等告以東路情形即協同駐守

至六月初十日傳王永安接到尚書福康安咨調
兵丁赴石峯堡附近地方牽綴堵截臣即隨同前
往効力進勦俟大概完竣後遵

旨馳驛前赴熱河

陛見奏入

上命軍機大臣傳諭阿桂福康安五岱傳王永安永鐸
曰據永鐸奏五月二十六日已抵鹿鹿山軍營而傳
玉等初二日拜發奏摺時何以竟不將永鐸到彼之

處奏及永鐸係將軍大員且係近支宗室朕之姪也
既抵該處於關係軍務事件亦當會銜具奏何以傳
玉等初二之摺永鐸並未列名朕方因該將軍前奏
於二十四日由靜寧前赴五岱等軍營二十五日賊
即至靜寧滋擾半月以來未得永鐸音信心甚懸念
節經傳旨詢問傳玉永鐸等何竟疎畧若此致朕遙
為廑念傳玉永鐸永安俱著傳旨申飭至傳玉既經
福康安咨調於石峯堡附近堵截賊人因何並不奏

聞即福康安摺內亦未據詳晰聲敘況傳王等帶兵二千坐守鹿鹿山於伏羌賊匪竄回靜寧等處時何不就近遏其來路即現在該將軍等帶兵自西而東堵截石峯堡賊人後路亦係接奉朕旨遵照辦理豈領兵大員於勦賊機宜皆待朕於數千里外一一為之指示耶此時賊人業已計窮力竭想不過竄回石峯堡巢穴為苟延殘喘之計正如鳥自投籠官兵至該處四面圍堵賊亦斷不能久支福康安現由隆德

帶兵進勦而傅王永鐸等則在石峯堡附近駐劄五
岱俞金鑿等又由曹務川帶兵勦捕皆係防遏賊人
西北兩面逃竄之路料賊經官兵痛加殲戮之後已
不能再行竄逸設或鋌而走險堵截不嚴惟該處疎
縱之領兵大員是問至前此賊人於馬家堡假設帳
房逃竄時自因剛塔不能嚴防後路彼時提督帶兵
勦賊總督在靖遠審訊賊人家屬籌備糧餉尚屬可
原至賊既翻山遁去是提督漫無主見已不勝勦賊

之任維時李侍堯見及此即應星速赴剛塔軍營商同堵截何至賊人又由馬營街竄往烏家坪伏羌等處乃李侍堯仍然安坐縣城直待朕屢次嚴飭始親身前赴軍營雖伊抵伏羌後數次打仗官兵畧有起色想係李侍堯主意居多然究不能掩其前此退縮貽誤之罪也

十八日辛丑福康安奏言臣行抵隆德前赴曹務川軍營與五岱等兵會合一處臣復回隆德同海

蘭察整頓兵力定期進剿隨於各營弁兵併老教
回兵內挑選得奮勇兵二千六百名其時正值旺
沁班巴爾帶領阿拉善兵於初九日行抵隆德又
挑得好鎗手五百名定於初十日分路進攻不意
初九日午後雲霧四起時雨時止至酉刻雨勢益
大竟夜不止山路泥滑難以進兵初十日未刻天
氣晴霽臣與海蘭察即將挑出弁兵分為四路令
涼州鎮總兵蘇靈叅領阿滿泰帶領固原涼州兵

由正路進攻總兵策卜坦三品職銜法靈阿巴圖魯章京等帶領延綏肅州寧夏為一路攻其左巴圖魯魯參領巴達瑪副將和倫帶領撒拉爾舊教回兵為一路攻其右阿拉善公多爾濟色布騰率領阿拉善兵為一路攻其傍海蘭察帶領巴圖魯侍衛章京在各路誘賊勦殺臣帶領巴圖魯侍衛督催各路指示攻勦

乾清門侍衛泰斐英阿福寧往來截殺併分兵於後

路山梁得勢處聯絡放卡以防賊人抄截旺沁班
巴爾帶領寧夏滿兵阿拉善兵在大兵後路接應
以備截殺竄逸之賊莽古賚在後催備進剿官兵
乾糧火藥鉛彈併知會五岱同日進攻十一日丑
刻發兵由隆德西南小路前進至底店約四十餘
里俱係重巒疊嶂側逕懸崖止容單騎行走賊人
佔踞極高山梁劄大營一座又於前十數里潘隴
等山梁劄營三處週圍山梁又有小營十餘處互

相聯絡官兵未到賊營之先有底店賊首武舉馬
文燾遣伊戚咸進良投稟乞降稱係被賊逼迫無
奈順從官兵一到即為內應幫同勦賊等語辰刻
各路官兵到齊合力進撲賊匪約有千餘分作兩
翼從山梁壓下勢甚兇猛我兵直迎上前士氣振
奮維時已圖魯侍衛鎗箭齊發殺賊甚多賊始稍
退官兵又復進壓有騎馬賊目二人手執紅旗往
來指揮拜唐阿薩克丹布放鎗打死一人官兵追

壓五六次賊人拚死迎拒我兵痛加殲戮自辰至酉殺死賊人二百餘名捉獲活賊三十餘名賊始紛紛逃竄我兵奪得賊營四座卡營十餘處得獲器械帳房牛羊糧食無算五岱等所帶之兵亦由西路進攻會在一處合力勦殺其時武舉馬文燾帶底店回民在東南山上劄營見我兵一到即率領婦女及回民數百跪迎痛哭乞降口稱從未與官兵打仗寔係被賊脅從當即派伊手下回民隨

同官兵打仗維時海蘭察帶同已圖魯侍衛奮勇官兵追趕敗竄之賊又殺死一百餘名隨有賊人二百餘脫棄賊人所給白布號掛拋擲器械跪道乞降情甚惶懼查賊匪敢攻擾城池抗拒官兵劫掠村庄罪大惡極今見我兵勢盛震懾喪膽始行乞降應即與駢誅但當攻勦之時恐餘賊益復負固死守是以權宜允准再為設法辦理時天色已晚官兵應稍為休息即於所得賊營屯劄并於左

右一帶山梁放卡駐守俟黎明將逃竄餘賊搜捕
淨盡分兵安設後路以通糧運即統兵進攻石峯
堡直搗賊巢此次打仗滿漢官兵俱各振作巴圖
魯侍衛等俱倍加出力俟查明再行分晰具

奏至底店賊匪共二千餘人官兵初次打仗即摧枯
拉朽勢如破竹皆由

皇上洪福

上天眷佑是以底店賊衆一舉殲除臣不敢稍存大意惟

有倍加慎重以期迅速集事奏入

上諭內閣曰此次福康安等督率官兵勦殺賊匪奮勇
爭先殲賊三百餘名拜唐阿薩克丹布並能鎗斃賊
目一人甚屬奮勉可嘉福康安海蘭察著各賞大荷
包一對小荷包二對薩克丹布著擢授藍翎侍衛其
餘出力之侍衛章京及官弁兵丁俱著福康安查明
咨部議敘以示獎勵其有出衆特等奮勇者仍即指
名奏聞該部知道

上命軍機大臣傳諭阿桂福康安曰賊人經官兵痛加
殲戮紛紛跪道乞降其敗竄之賊料不過逃往石峯
堡希冀苟延殘喘福康安肅清後路直搗賊巢自必
遵照日前硃筆圈出指示之處選派官兵將石峯堡
四面嚴密圍堵悉數殲除但閱五岱等前進圖內石
峯堡南北兩面俱係石崖想無可通之路福康安現
由底店進勦係在石峯堡之東北而其西南一面圖
內所註石硤處所看來必係賊人出入路徑前此賊

人在伏羌敗竄時將帶傷之賊送回堡內諒由該處行走福康安所調傅玉永安等在石峯堡附近牽綴堵截賊人想即係此處傅玉年老無用恐在彼不能得力著阿桂福康安酌派明幹能事之員帶兵千餘赴彼幫同傅玉等在西南一面嚴密防堵並向現獲賊衆詳細審訊及問附近誠實土人通達石峯堡路徑如高廟山者共有幾處凡賊人可進之路即屬可出之路阿桂福康安訊訪明確後均當派員帶兵逐

一堵截即使不能迅速擒殺賊匪斷不可致有一名
逸出方為周妥現在辦賊將次完竣阿桂福康安宜
倍加慎重勿稍存大意再所奏底店回人乞降後其
手下回人隨同打仗等語此等從逆之人見官兵勢
盛乞降其心究不可測底店回人業經隨同打仗亦
祇可成事不說然此事甚險不可不知慎重至所奏
脫去白布號褂跪道乞降之二百餘人俱曾助賊抗
拒更不可復留於軍營此時石峯堡賊未勦盡所有

乞降之衆福康安自不得不故示寬容以解散其黨羽死守之心但此究屬暫時權宜辦法若其乞降之賊二百餘人行營難於看守宜解往省城暫於臬司衙門監禁俟事定後再行辦理至邪教回民業經兩次滋事不可稍存姑息務淨根株阿桂福康安將來查辦時凡屬先已從逆後始投降之匪徒年在十五歲以上者俱應駢誅其幼孩婦女或原其一線酌量發遣邊遠為奴福康安現已帶兵前進而底店乞降

之土著回民尚有千餘名此等從逆復降之人事後
作何辦理阿桂福康安即會同悉心妥籌密奏至底
店石峯堡地勢險要賊匪洗淨後自應酌駐官兵或
於底店設都司一員石峯堡設遊擊一員督率稽查
況邪教回匪現有空出房屋斷不可仍招回民居住
即可於陝甘二省漢民內擇其年力壯盛家業窮苦
者招集數百名賞給居住并即令伊等充當兵丁交新
設之員管轄藉資控制尤為兩便或於甘省新添兵

內擇其無甚緊要營汛兵額較多之處移住彈壓實
為有益著阿桂福康安辦理善後時妥商熟議具奏
再官兵此次勦賊勢如破竹諒石峯堡之賊斷不能
久支所有阿拉善蒙古兵暨川省屯練降番長於攀
陟騎射自應留於軍營以為進攻石峯堡搜拏賊目
之用阿桂所帶初派之京兵一千名計日內已陸續
到彼亦可留該處幫同搜捕餘黨其復興所帶續派
之京兵一千名著阿桂福康安酌量情形如無需用

之處卽一面奏聞一面飛咨撤回庶兵歸實用而軍營糧餉亦更得充裕至汧隴一帶此時斷無虞賊人竄往數倫泰福敏泰竟令其各回本任此外或有應撤回之兵並著阿桂福康安酌量就近行知令其一併撤回

同日福康安又奏言現在大兵分路進剿一切馬匹糧草火藥鉛彈最關緊要經臣嚴飭藩臬兩司各該道府上緊督催趕辦務期源源接濟無誤供

支茲據布政使馮光熊稟稱前調河州涼州西寧
各標營馬一千六百餘匹均於初五六日過省其
甘省肅州寧夏檄調馬匹亦報於五月二十九及
六月初一二起程是馬匹一項足敷京兵騎用至
火藥鉛彈除蘭州省城陸續運送外臣於過西安
時面囑撫臣畢沅協撥火藥三萬斤鉛彈八萬斤
據報已運送在途即日可到其軍糧一項現飭隨
營之三等侍衛職銜蘇凌阿按察使陳步瀛等

嚴催各州縣迅速趕運惟是甘省糧運向用牛車而現在進勦路途多係山坡小徑車輛不通臣再四思維必須通融籌辦方得軍行無阻查從前金川用兵一切軍糧俱用民夫背送最為便捷且自賊匪滋擾以來所有被掠各村庄百姓遷徙流離者甚多現奉

恩旨妥為撫卹臣已派員查辦給予口糧此等貧民催令背運軍糧既可迅速遄行而日給雇值貧民藉

資口食實為一舉兩得臣已飭令該司等遵照妥辦奏入報

聞

同日馮光熊奏言現在

欽差大臣統領京兵來甘會勦逆回所需馬匹先經督

臣檄調各標營馬三千三百餘匹陸續赴東路軍

營聽候調用臣恐臨時或有不敷復將各營放廠

之馬檄令及早收槽一面解赴候撥臣並於洮州

岷州西寧三處上緊採買馬一千匹以資添補至
軍營應用火藥鉛丸火繩臣遵照督臣札飭派調
各營分途運送其供支糧料在附近軍營各州縣
派辦運供尚足敷用惟草束一項河東州縣本無
廠貯現在官兵追賊遠近無定且附近賊巢村庄
有草之處皆被焚燬若概由遠處撥運需用車騾
甚多查甘省馬匹多飼麥草河東麥收較早麥草
漸次登場臣現札知陳步瀛並飭各屬就近採買

以期供支無缺再此次添調官兵現集平涼一帶
進發各官兵應支鹽菜銀兩

臣欽遵

諭旨寬裕籌辦除節次由司庫撥銀預備外查此時賊
匪正在靜寧隆德一帶若再由省解銀前赴平涼
路經賊人出沒之所恐有疎虞臣已飛稟陝西撫
臣畢沅將西安截留河南解甘協餉銀二十萬兩
分起解至平涼交貯府庫備用又錢文一項甘省
本無錢局軍興之後錢價較昂臣已稟請督臣具

奏於陝省錢局內撥錢十萬串迅解河東各屬分貯
應用以平市價奏入報

聞

同日阿桂奏言

臣

由豫入秦節次接奉

諭旨並據福康安來札詳悉聲敘各路賊匪情形始覺
了然如六盤山險要之地近在咫尺賊人未敢佔
據且經五岱等兩次殲賊頗多是賊人伎倆已可
槩見而福康安籌辦勦除底店逆回肅清後路再

行合攻石峯堡布置均屬妥協自可即望得手茲
於十四日抵西安復接福康安札稱在底店殺賊
三百餘人其自行投出者數百人或權為安撫或
即行收監辦理亦均得當現在軍威大振賊勢窮
蹙自可易於集事但臣所帶京兵一千名接續抵
陝其頭起兵距甘省不過六站賊匪一日尚未掃
除淨盡即兵行一日不可停留臣即於十五日帶
領頭起京兵前赴軍營其續派京兵及各路添調

之兵或竟應停止或應於何處暫駐候信尚須於
進攻石峯堡後度量情形與福康安商酌再行具
奏奏入

上諭曰覽奏俱悉諸凡皆有旨諭汝二人矣詳妥為之
總以靖盡孽種毋致復生事端為要至近日雨暘應
時心畧慰矣

二十日癸卯福康安奏言查賊匪自底店敗逃約
有數百人當經官兵追殺百餘賊又臨陣投降二

百餘名餘賊即紛紛四散底店一帶亂山重疊路
逕叢雜溝坎深險賊匪隨處可以藏匿亦隨在可
以奔逃官兵若由一路尾追勢難躡其踪跡且恐
追捕少緩又復遠颺臣與海蘭察五岱各帶巴圖
魯侍衛率領官兵分路於山溝僻徑逐處搜捕連
日又殺賊三十餘名見官兵搜到陸續自行投出
者四十餘名又經鄉村百姓擒獻者七名其餘零
星賊匪有由南山溝一帶分竄者查南山小路係

華林堡化平店林家硤空崗山俱通華亭平涼等處臣前均已分兵於各該處駐劄防範現又飛飭將備各帶所領弁兵嚴密堵截擒拏並曉諭各村鎮百姓如遇賊匪竄至即行擒獻者當優加獎賞又派總兵吉蘭泰帶兵一千前往南山一帶搜捕派副都統阿爾薩朗帶兵五百在北山一帶查拏臣現同海蘭察等由雙峴小路前往石峯堡合兵圍剿搗其巢穴毋令竄逸漏網現在大兵前進底

店係糧運後路且武舉馬文燾雖經投出隨營效力該鎮投順回民共有千餘亦難盡信現今俞金鰲帶兵一千三百名在底店山梁險要處駐劄防範彈壓再賊匪內陸續投出者共二百四十餘人已分起交臬司於隆德隔別收禁此等從逆匪徒罪大惡極原應即予駢誅前此准其投順本屬權宜之計臣已派兵前往隆德密行札知臬司陳步瀛令其設法妥速辦理毋使稍稽顯戮其百姓縛

獻賊匪亦已即行正法並量加獎賞以示鼓勵

同日馮光熊奏言查靖遠臯蘭平番交界之西番

窑白銀廠等處前據報稱聚有逆匪三百餘名

臣

一面飛稟督

臣

即派委靖遠協副將王柱帶兵二

百名莊浪營參將王永茂派委兵二百五十名分

路前往搜捕並經靖遠協添派蘆塘兵百名都司

一員協同擒剿嗣據王柱具報營帽塔北山白銀

廠賊匪現俱竄逸靖遠縣屬距城七十里之黑砣

塔井藏匿確加偵探賊匪約有一百餘人現在帶兵搜捕等情又據王柱稟稱本月初九日酉刻行至白楊嶺地方遇賊百餘人直撲前來官兵施放鳥鎗殺賊七人傷賊十餘人兵丁受傷者十餘名陣亡者六名並據莊浪營外委黃榮等報稱本日申刻在白楊嶺遇賊百餘人將營盤沖散守備福泰夏治千總趙良樞外委秦玉等被害臣查賊匪竟敢殺傷官兵甚屬猖獗殊堪痛恨雖據報止有

一百餘人恐前派官兵不敷勦捕新任督

臣福康

安遠在隆德若稟請調撥官兵往返需時

臣一面

具稟一面將調到之西寧兵五百名並原領兵都司穆克登額諸佛保等帶領前往協同搜捕仍候督臣指示辦理均奏入

上命軍機大臣傳諭阿桂福康安曰據福康安奏賊匪陸續投出者共二百四十餘人已分起交臬司於隆德隔別收禁等語所辦甚是其底店投順回民共有

千餘雖據福康安奏令俞金鰲帶兵一千三百名在該處駐劄彈壓但此等從逆之人見官兵勢盛始行投降其心究不可信著福康安酌量或送至省城或分別就近各府州監禁俟事定後遵照前旨分別正法發遣總之此次查辦逆黨務期淨盡不可姑息李侍堯即吃此虧阿桂福康安慎勿再留後患也至馬文燾現在隨營効力此事究險竟當仍照前旨即將該犯解送熱河並於起解時嚴加鎖鑰法靈阿人尚

結實令其酌帶弁兵數名沿途小心解送自不至或有疎虞又據馮光熊奏莊浪外委黃榮等報稱在白楊嶺遇賊百餘人將營盤沖散守備福泰夏治千總趙良樞外委秦玉等被害等語玉柱等帶兵五百五十名搜捕賊匪何至遇賊百餘人即被沖散此或是一處之賊或是兩處之賊著阿桂福康安查明初九日白楊嶺遇賊時若止係福泰等在彼玉柱或往別處捕賊尚屬可原若彼時玉柱亦在白楊嶺為賊沖

退或竟躲避即當將該副將嚴叅治罪其守備福泰等雖遇賊被害但似此庸懦無能是自取其死與奮勇陣亡者有間亦不值交部議敘至福泰等既於白楊嶺遇賊而黑矧塔井地方據馮光熊奏又有賊匪一百餘人自萱帽塔北山白銀廠竄往藏匿現在阿桂福康安等辦賊將次完竣豈容此等匪徒分路滋擾看來黑矧塔井白楊嶺二處賊匪自亦係底店迸出之賊王柱等在彼勦捕或不能得力著傳諭阿桂

福康安即於侍衛章京內酌派一二人或即派五岱帶兵前往實力搜捕務將竄逸餘賊迅速殲擒方為妥善

同日福康安又奏言查逆回餘黨自馬家堡翻山逃竄後即攻擾通渭伏羌秦安等各州縣俱係鞏昌府所屬鞏秦階道張廷桂於三月中具呈告病雖在賊匪未起事以前但當地方多事之事應即赴所屬督同守禦彈壓乃該道安坐衙署置身事

外不得因其已經告病稍為姑容相應據實叅

奏請

旨將鞏秦階道張廷桂革職俟軍務事竣臣委員切實

查驗如係托病規避即將該員拏問解交刑部加

倍治罪以為玩視地方者戒至李侍堯於張廷桂

告病後並不委員接署以致原缺久懸正當賊匪

滋擾之時竟無大員稽查彈壓是李侍堯不但於

勦賊機宜茫無措置即地方事務亦多闕冗相應

據實叅奏奏入

上諭內閣曰鞏秦階道員缺緊要張廷桂於三月內已
經告病何以歷久尚無委署之員以致賊匪滋擾時
竟無大員在該處稽察彈壓是李侍堯不但於勦賊
機宜茫無措置即地方事務亦多闕冗實屬大奇至
張廷桂告病雖在賊匪未經滋擾以前但當地方多
事之際即使患病屬實亦應力疾馳赴該處督同防
禦乃竟置身事外其罪斷難姑容張廷桂著革職拏

交刑部治罪該部知道

同日福康安又奏言查陝甘二省回民錯處安居樂業生聚有年同為

皇上子民惠養撫綏並無岐視

臣

於西安途次節經出

示曉諭以大兵前來原為搜擒逆黨並非查辦新教如舊教回民敢於從逆亦罪在不赦若新教能知畏法安分本屬良民毫無干涉斷不必自生疑懼為逆黨煽誘脅從並於經過地方傳集回民面

加慰諭今奉有

諭旨通行宣播不特良善回民益得安堵無恐即業經煽惑入黨者亦當聞風解散於勦捕機宜更為得力至逆回起事根由臣自入陝境後即密行詳細訪察雖不能確鑿大概逆回等初則藉口以馬明心報復為辭互相糾結迨起事後又以洗滅新教煽鼓勾連復於所到地方用威迫脅是以聽從入黨之人日聚日衆但其蓄謀肆逆已非一日即如

所用褲刀矛子等物甚多必非倉猝可辦乃李侍
堯毫無覺察置若罔聞因循玩悞其罪已無可諉
至逆回等齊集禮拜寺糾合新教及修葺石峯堡
兩事容臣查詢明確即行嚴叅並將專管兼管之
文武各員弁一併分別叅奏奏入報

聞

同日福康安又奏言接據藩司馮光熊詳稱此次
勦捕逆回先經詳請撥調各營馬匹解赴軍營並

抽調驛馬協濟東路各站供差在案茲查各屬撥
運軍糧以及鉛丸火藥等項山路崎嶇有車道不
通之處必須豫備馬騾以資馱載復經飭屬買馬
一千匹騾五百餘頭解送安定交總理糧務處查
收所有採買馬匹價值照甘省定例每匹銀八兩
其騾頭一項遵照乾隆三十六年買給金川征兵
騾頭案內每騾一頭一十五兩之數核給俟事竣
後有倒斃者按例准銷外其餘馬騾變價歸款等

因臣查官兵勦賊所用馬騾雖經調撥營驛馬匹
仍有未敷既據該司聲明業經採買馬一千匹騾
五百頭並請照例分別動給價銀之處相應據詳
奏明統俟事竣之日核明例准倒斃馬騾外其餘變
價歸還原款奏入

上諭部知之

同日畢沅奏言聞本月十一日福康安等帶兵先
往底店鎮攻勦殺賊三百餘人其面縛投出者又

數百人餘賊竄逸現在分道窮追是底店鎮一路
漸就肅清即可一面勦洗大路賊匪一面攻圍石
峯堡逆回困守巢穴日就窮蹙無難一鼓殲除百
姓聞

天兵四集賊匪指日誅鋤又蒙

特沛鴻恩速行撫卹人心日漸寧貼從前被難逃出居
民多有還歸本地村堡者至陝省汧隴一帶緊要
地方俱有重兵彈壓閭閻景象已覺安堵至前所

調鄰省兵四千名內山西太原鎮總兵福敏泰帶來兵一千名據稱係本標一處之兵不便分析彼時因回匪尚在秦安等處滋擾即令一併帶往是以與原派帶赴汧隴之數較多二百名現在該總兵察看形勢於鳳翔縣屬之寶玉山及麟遊險要處所屯駐數倫泰在隴州汧陽屯駐設卡安兵稽查瞭望堵禦嚴密數百里聲勢極為聯絡其山西兵一千名除隨往福康安二百名外餘八百名俱

已前赴平涼聽候調用至四川兵二千名臣俱令

其在鳳翔會齊日內已經督臣福康安檄調由秦

州一帶前進即在石峯堡迤南地方堵截賊匪竄

逸之路再京兵赴甘進剿戰馬最關緊要經大學

士公阿桂與臣酌商即在西安滿營挑選解往臣

隨會同副都統哈青阿揀取壯健馬五百匹專差

員弁押送軍營以資乘騎又賊匪多在山梁札營

必須用砲火轟打業將舊存大神砲二位新造劈

山砲十二位解送平涼其軍火一項除前已運送
外續解去火藥二萬觔鉛丸四萬觔火繩八萬丈
至京兵需用鑼鍋帳房亦於滿營撥出五百副箭
一萬枝俱於京兵未到以前先行運往餘再陸續
運送均可無誤要需奏入報

聞

欽定石峯堡紀畧卷十一

欽定四庫全書

欽定石峯堡紀畧卷十二

六月二十一日甲辰

上命軍機大臣傳諭福康安畢沅曰甘省軍營卽次掣
獲賊犯馬文燾馬玉華並盤獲逆黨馬昇貴等已有
旨解送熱河預備訊問但甘省現在辦理軍需存在
需員差委除馬文燾一犯現派法靈阿解送熱河外
其餘應解各犯並將來拿獲賊目應行解送者著傳

諭福康安於起解時俱嚴加鎖鑰派令妥幹員弁解送西安交與畢沅另行遴派妥員轉解熱河如此接替解送甘省差委既不致乏人而沿途亦更可迅速行走并諭阿桂知之

同日傅王永安奏言臣等於初十日接准

欽差大臣福康安等咨文約定同日進兵臣等即帶兵由鹿鹿山起程向石峯堡前進距石峯堡十五里有餘望見賊人巢穴因在石溝庄地方札營十二

日據卡倫兵報稱賊匪由石峯堡超越山梁望大
營前來約有千餘人臣等即於辰刻整頓官兵出
營在山梁打仗奮力追殺賊匪等向石峯堡敗走
天色已晚收兵進營查看殺賊百餘名擊傷者一
二百名奪其長鎗鳥鎗號旗什物八十餘件臣等
仍欽遵

諭旨晝夜帶領官兵加意防範保護營寨俟
欽差大臣調撥時即帶兵奮勉勦擊奏入

上命軍機大臣傳諭阿桂福康安曰據傅玉奏由鹿鹿山帶兵赴石峯堡堵截在石溝庄扎營有石峯堡內賊人出來打仗殺賊一百餘名受傷者一二百名等語是賊人竟思於西南一帶竄逸果不出朕之所料傅玉與賊打仗時賊勢尚未窮蹙是以止分其黨羽先為嘗試今見底店賊匪勒盡福康安統大兵搥其巢穴阿桂又帶京兵續至賊衆膽喪必仍於西南一面乘間潛逃此事甚關緊要斷非傅玉等所能妥辦着

傳諭福康安即同舒亮并酌分巴圖魯侍衛章京十餘人帶兵迅速赴石峯堡西南一路嚴堵或即由彼進勦其東北一路專交阿桂與海蘭察帶同巴圖魯侍衛章京等領兵設法進攻總以四面堵截攻圍務將賊匪悉數殲擒勿致一人兔脫為要

二十二日乙巳福康安奏言臣同海蘭察分路由底店搜捕敗逃賊匪由雙峴小路行走於十五日辰刻至石峯堡隨與海蘭察五岱帶同巴圖魯侍

衛率領奮勇官兵前至賊巢察看情形查該處本在萬山之中而石峯堡又高踞峯頂四面有山圍繞形勢實屬險峻賊匪於石峯堡後面及左右山梁劄立營盤帳房密布官兵攻勦祇有北面一路可進而溝礪重疊一時驟難深入臣與海蘭察相度地勢於賊營對面山梁將官兵分布整齊以備乘機進逼維時賊營內遣人赴陣前口稱堡內馬阿渾張阿渾俱欲率衆投順惟有大通馬阿渾

不肯求官兵暫緩進攻等語臣查賊匪敢於如此猖獗不法雖寸磔不足敵辜今既有乞降之意正可因其投出生擒解送不妨權宜允准但窺其情狀甚屬游移明係緩兵之計必當先示兵威俾賊人望風震懾臣與海蘭察隨令巴圖魯侍衛等率領老教回兵綠營奮勇兵阿拉善兵直進前撲搶上頭層山礮賊人亦於山梁施放烏鎗時出時沒亦不敢上前接仗臣揣度賊衆雖有數千其氣已

餒即鳥鎗亦不過數桿特因有險可守負隅延喘
此次官兵初到原係偵探賊踪不令深入又天色
漸晚正值雨雹交作因令我兵以次撤回賊見我
兵撤動隨有數百人由山礮下墜捨命前撲官兵
屹立不動已圖魯侍衛等鎗箭齊發殺死賊人數
十名賊始行竄去官兵於賊堡對面各山梁安營
放卡俾聲勢聯絡即日相機合力進攻以期迅速
集事再據傅玉咨報賊匪五六百人於十二日攻

撲鹿鹿山軍營官兵奮勇擊退賊匪殺賊數十人
得獲器械甚多等因查傳玉所駐鹿鹿山係石峯
堡東南相隔二十餘里亦可牽綴賊勢現在知會
於進兵時一齊攻勦再查白銀廠滋事賊匪分竄
西番窑黑矺塔井等處前經派署靖遠協副將玉
柱帶兵搜捕茲據玉柱稟稱六月初九日有涼州
松山營守備福泰帶兵赴鷹窩石搜捕逆回抵白
楊嶺劉營步兵尚未到齊即遇賊百餘人前來冲

鞏守備福泰署守備夏治莊浪營千總趙良樞外
委秦玉俱已被害兵丁陣亡三十餘名該署副將
帶兵赶到與賊接仗殺死賊人七名帶傷賊人十
餘名賊始遁避現在帶兵搜捕等語查白楊嶺賊
匪人數雖少若不迅速撲滅恐又致蔓延更屬不
成事竢現經添派兵一千名前往搜捕但王柱亦
非出色之員辦理此事未能妥協必得大員統率
臣酌量於現在軍營之總兵內派延綏鎮策卜坦

前往督率查拿務期勦捕淨盡

同日馮光熊奏言前奉督臣李侍堯飭知在安定
拿獲匪犯馬德供出省城橋門外有回匪馬元馬
達弟子俱係通賊要犯臣隨督率蘭州府知府張
燮皋蘭縣知縣丁淮瑩將馬元一犯立時拿獲惟
馬達弟子訪查並無其人隨委員先將馬元嚴審
日又親提究訊據供馬德原係素日認識本年三
月內曾約其同入邪教該犯當即拒絕並未允從

等語臣查馬元既供與馬德認識其平日往來謀約自屬實情且馬德曾經邀伊入夥該犯並不稟首顯係知情但詰其有無被誘之人該犯終不吐實如將該犯即行正法轉致被誘之人得以漏網臣一面督飭府縣將馬達弟子密跡查拿務獲並將馬元嚴行收禁以期徹底根究並飭令省城內外關廟原派官兵逐細盤詰並通飭各屬一體嚴查除臣前經

奏明拿獲竄匪已經正法之李應登等犯外復經拿獲
外來形跡可疑道士汪本信一犯係馬營被脇從
逆希圖來省煽誘因立時拿獲尚無被誘之人臣
隨稟明督臣將汪本信業已正法訖又續獲竄匪
馬良伏馬守印馬守全哈生觀馬如才馬俊等六
名均訊係被脇從逆之犯稟明督臣即請正法又
拏獲應行緣坐之張有哈太哈舉馬云馬良等五
犯現在審明分別辦理均奏入

上命軍機大臣傳諭阿桂福康安策卜坦曰前因五岱等前進石峯堡地形圖內西南一面係傳玉扎營處所恐其照料未周曾傳諭福康安同舒亮等帶兵親赴該處堵截進攻矣本日福康安奏到石峯堡賊人情形閱其所繪圖內傳玉等營盤竟轉在東南一面與舊圖方向全差福康安等現帶兵由北面進攻正當喫緊之時且勢亦難繞至該處朕卽次所降諭旨止就原本圖內情形遙為懸揣福康安日在朕前知

朕辦理一切從不肯稍執己見況當行軍之際福康
安必能仰體朕懷酌籌萬善不至拘泥前旨捨近而
圖遠也但就所進圖內形勢而論現在最關緊要者
係賊營東面及石峯堡之西南兩面並無防堵之兵
倘賊乘虛由東復竄至靜寧或由西南又至通渭等
處滋擾深為可慮何以福康安等並未籌計及此着
傳諭阿桂福康安務宜於此等處所倍加留心防堵
勿稍大意而傳玉等營盤亦仍慮其兵單已於圖內

用硃筆詳細批示着發交阿桂福康安閱看令其遵照逐一籌辦為要並着另行放寬繪圖呈覽至摺內所稱官兵進逼賊營賊遣人赴陣前口稱堡內馬阿渾張阿渾俱欲率衆投降惟有大通馬阿渾不肯求官兵暫緩進攻等語賊既遣人乞降福康安等如何向其曉諭何不揮箭令回以奪其魄至賊人果欲投降何以見官兵撤動時尚敢捨命前撲且馬阿渾張阿渾俱欲率衆投順大通馬阿渾一人不肯何難將

伊擒獻送至軍前投首此明係賊人說計故設此言
以緩官軍進攻希冀乘隙侵犯並為逃竄之地阿桂
福康安萬不可墮其奸計即使賊人計窮說稱縛獻
大通馬阿渾亦不可信受降如受敵必當慎之又慎
以防其說降生變也又奏稱白楊嶺賊匪恐玉柱辦
理未能妥協現今策卜坦帶兵一千名前往督率查
拏等語白楊嶺賊匪既經福康安派總兵策卜坦帶
兵前往查拏此事即專交策卜坦在彼辦理務期速

行撲滅並令該鎮將拏獲之賊就近嚴審究出黨羽
即可按名擒捕務期淨盡孽種勿任一人漏網倘有
不實不盡惟該鎮是問又據馮光熊奏拏獲通賊之
馬元一犯親提究訊惟稱馬德曾約其同入邪教伊
並未允從而於被誘之人仍堅不吐實其馬達弟子
訪查並無其人等語馬元既與馬德認識且匪犯曾
邀伊入夥顯屬賊人黨羽其馬德所欲煽誘之人伊
亦斷無不知之理該犯到案仍敢茹刑不吐尤屬可

惡或即係馬明心之族屬亦未可定著傳諭馮光熊
即將該犯解赴阿桂福康安軍營設法刑訊務究出
該犯來歷及從賊確情并馬德等所煽誘之人一併
查拿嚴辦毋得任其狡展其馬達弟子一犯仍令馮
光熊選派精細兵役設法購線嚴拿務獲

二十三日丙午

上命軍機大臣傳諭阿桂福康安曰昨見福康安所進
圖內西南一面及賊營東首並無防堵之兵而溝壑

處所似有可行路徑即傳玉一路亦慮其人本無用
兵力單弱倘賊復由東竄至靜寧或由西南竄至通
渭伏羌等處雖斷不至如從前之勾結蔓延而搜捕
究覺費力且於沿途村莊未免復行滋擾着再傳諭
阿桂福康安會同熟籌妥辦務派大員幫助傳玉一
路及東面賊人出路逐一設法堵截並不可令賊潛
出取水及匪徒等為之暗送糧食致賊得資接濟迂
延日久為要至石峯堡地既險要自應相幾慎重進

勦閱圖內石峯堡迤東山梁上有賊營四處官兵何不先由此攻勦將此四營佔據則賊人咽喉已斷更無可出之路並着阿桂福康安酌量辦理又石峯堡為向來險隘之地逆回於上年公然將舊堡重修整回訂期起事實屬罪大惡極務須悉數殲擒斷不可致有一人漏網即前此石峯堡底店逆出之賊亦當實力搜捕按名拿獲概予駢誅而地方文武各官於舊有險隘被賊重修置若罔聞阿桂福康安必須遵前

旨據實查叅治罪況賊人既預蓄逆謀則此外被其煽誘勾合者自不一而足即如馬文燾為底店從逆首犯其手下匪尚有千餘人其大通馬阿渾係現在賊營首犯因何以大通為號是否係大通縣之人如該犯係大通人則其黨羽居住大通者必多即田五雖已自戕其所居小山地方黨羽亦必不少阿桂福康安總當趁此兵力詳細查究並遵前旨勘明各該犯家內是否有如馬昇貴等開挖地窖之事逐一

履勘輟轉跟究盡法懲治務使孽根盡絕不致再生
事端至現在賊勢已感斷無慮其竄入沂隴一帶敷
倫泰福敏泰是否應各回本任之處着再傳諭阿桂
福康安酌量現在情形如果無須敷倫泰等在彼帶
兵防堵即一面奏聞一面行知撤回

二十六日己酉福康安奏言臣等於十五日至石
峯堡即帶兵前赴賊巢相度情形賊匪迎拒即乘
勢勦殺十六日黎明臣與海蘭察五岱帶同巴圖

魯侍衛率領奮勇官兵阿拉善兵老教回兵分路
進攻賊匪見官兵進逼俱各棄營遁回石峯堡官
兵隨即奪得賊人大營四座卡營十餘處收獲帳
房器械甚多乘勢進撲賊匪不敢出拒預於堡外
挑挖深溝藏匿壕內施放鳥鎗並時有數十人在
堡外行走意欲詭誘我軍墮其奸計臣與海蘭察
等不令官兵輕進恐有損傷轉失威重相持至晚
又值雷雨交作因令撤兵即於賊匪所佔各山梁

等立營盤十七日臣與五岱旺沁班巴爾督率官兵直至堡前賊人仍不敢接仗惟據險自守海蘭察帶同巴圖魯侍衛十餘人直下山溝過河逕至賊堡西南又遶至東北將石峯堡四面形勢周圍看視於可以安兵設卡處所察探明悉約沿堡行數十里申刻始回大營臣與海蘭察五岱公同熟商賊人佔據石峯堡為負隅死守之計若竟從堡前進撲非不可直搗賊堡但賊堡四面亂山環遶

連亘數十里且堡後皆係懸崖峭壁我兵攀援而上其勢甚難而賊人乘間逃出較易為力該處路徑叢雜處處可通一經竄逸無從堵截况屢奉

訓諭指示明切總以嚴防後路勿使賊人逃竄為要何敢不凜遵妥辦此時要着必先扼要放卡斷其水道並周圍刨挖溝壕使賊人無路竄逸方能制其死命現已於石峯堡東南山梁設營數處拿至溝底再於石峯堡之西南山腿安營三處即可接至

黑風墩山梁直達鹿鹿山傅玉永安所駐軍營會
合聯絡并多放卡座嚴密偵探一面開挖溝壕設
法絕斷賊人水道使其不攻自潰計川省屯練亦
即日可到該兵丁等步戰輕捷善於攻撲合力進
剿賊匪自成釜底游魂斷不能苟延殘喘至底店
敗逃賊匪零星竄逸所在皆有即現在石峯堡內
賊人亦難保無乘間竄出者查馬家堡地方係從
前賊人屯聚之所形勢亦屬險峻臣已派叅將阿

穆呼朗帶兵五百名以三百名駐劉馬家堡要路
防範堵截以二百名往山溝搜捕又派領隊大臣
噶塔布侍衛永福帶領寧夏阿拉善兵二百名赴
馬家堡等處分路追捕並飛飭安定會寧等州縣
及將備等選派兵役於各要隘嚴密堵截如有疎
玩縱逸者即行嚴叅治罪又靖遠所屬地方亦有
零星賊匪潛匿滋事該縣距省較近已札令藩司
馮光熊督率所屬實力查拿再白楊嶺鷹窩石伏

羌城外之白馬庄俱有賊回數十人或百餘人在
彼屯聚現派總兵策卜坦吉蘭泰帶兵分投前往
搜捕總之賊人巢穴一傾餘黨自立見瓦解無難
剷除淨盡連日官兵搜山拿獲及村鎮百姓擒縛
解送賊匪共有六十餘名內有回民擒送者四名
俱經審明正法并各賞給銀牌以示鼓勵並通行
出示各州縣村鎮令百姓協力搜緝以期勿留餘
孽再查鹿鹿山在石峰堡東南相距二十餘里賊

人前於該處扎營與石峯堡互相聯絡彼時傅玉
在黑風墩與賊相對拏營造十七日賊人乘霧遁
去由烏家坪竄往伏羌等處傅玉始移駐鹿鹿山
以牽綴賊勢賊人見我軍屯駐山上形勢相逼是
以於本月十二日率衆攻撲經傅玉等竭力抵禦
自辰至戌殺賊百餘賊衆始行退去是傅玉等在
該處屯扎尚非坐守空山但賊人自伏羌竄回石
峯堡雖不經由鹿鹿山傅玉等亦應派兵偵探堵

截乃任其往來一無籌畫實難辭咎臣不敢稍存
掩飾謹查明據實陳

奏

福康安又奏言臣查甘省逆回不法自乾隆四十
六年勦滅蘓四十三以後所有斷除邪教查拿餘
孽係李侍堯專責乃首逆田五陰謀不軌已有二
三年之久且至靖遠哈得成哈彥家商同謀逆竟
公然於禮拜寺齊集衆新教回人告知糾合情節

是該犯等蓄謀已非一日聚衆又非一人旗幟號
衣帳房器械種種齊備李侍堯身任封圻平日漫
不經心毫無覺察拳賊養癰釀成事變此李侍堯
玩愒貽誤之罪也至賊匪起事其始原不過數百
人及田五中傷自戕餘賊自當渙散如果李侍堯
迅速親赴該處會同剛塔等設法實力剿捕早可
完結乃李侍堯以審辦賊匪為名安住靖遠十餘
日遷延觀望及賊已竄逸屢奉

諭旨訓飭始移至安定仍思於賊踪不到之處駐劄畏
蕙不前以致軍營無人統攝全不上緊認真辦理
賊匪得以乘間四出到處煽誘勾結愈聚愈多蔓
延猖獗攻擾城池剽掠村庄肆行無忌此李侍堯
懦怯貽誤之罪也至傅玉所奏賊匪於上年五月
修理石峯堡及衆回人定於本年五月初五日起
事各緣由臣至石峯堡詳詢附近居民賊匪於四
十六年即修理石峯堡上年五月又加葺治整固

而各處逆回訂期於本年五月五日起事亦衆所共知李侍堯豈竟毫無見聞乃屢次摺內總未奏及是其有心迴護避重就輕預存支飾難逃

聖明洞鑒且李侍堯不但於勦賊機宜種種玩悞即一切籌辦供支馬匹草料及軍火器械等事亦復委之西司伊竟毫無主見又鞏秦階道張廷桂於三月告病李侍堯並不委員接署以致要缺久懸當地方多事之時無人稽查彈壓是李侍堯於地方

事務亦多闕冗臣前已據實叅奏查李侍堯本係身獲重譴之人蒙

皇上棄瑕錄用自當倍加感激實心任事乃既不能整飭防範於前又復迴獲欺飾於後實屬負

恩債事革職不足以蔽辜應遵

旨將李侍堯革職拿問速解熱河以脩訊問派委安肅道鳳翔遊擊懷塔哈押解起程飭令沿途小心防範並行知經過各省督撫一體委員防護毋致畏

罪自戕其貽誤失事之地方文武各官俟詳悉查明
據實叅奏革職拿問嚴審治罪至剛塔於賊匪竄
入馬家堡時即使所帶官兵無多不能堵截後路
亦應嚴密偵緝賊踪竄往何處帶兵星速遶出前
路迎截乃剛塔並不籌計及此圍守空山縱賊潛
逃又復輾轉耽延迨賊遠颺始帶兵尾追以致賊
人四出勾結日益滋蔓刼掠地方擾害良民且於
賊人攻破通渭縣城及在靜寧隆德滋擾之處毫

無策應種貽悞其罪實無可逭現已遵

旨將剛塔革職拿問派委西安理事同知伍靈阿遊擊

毛大鳳沿途小心管押解交刑部治罪再臣一到

軍營時本即應將李侍堯剛塔拿問起解緣現在

道府大員各有應辦緊要事件無可差委安肅道

鳳翔臣又先委令赴鞏昌一帶查辦撫卹事宜茲

又委員更換檄調前來是以稍遲又伍靈阿係西

安理事同知因甘省丞倅內現無可委之員適伍

靈阿解銀來甘是以就近派委均奏入

上命軍機大臣傳諭阿桂福康安曰前聞福康安所進
圖內石峯堡迤東有賊營四處當經諭令福康安何
不佔此四營則賊無可去之路今據奏到奪得賊人
大營四座正與朕前降諭旨相合至所稱此時要着
必先扼要放卡斷其水道並週圍剗挖溝壕使賊無
路竄逸方能制其死命現於石峯堡東南山梁設營
數處拿至溝底再於石峯堡西南山腿安營三處即

可接至黑風墩山梁直達傳玉等軍營會合聯絡等語並另據繪圖進呈閱之一目了然與朕前次發去硃筆原圖脗合辦理俱中竅要此時賊匪已成釜底游魂官兵轉不必輕於前進以致或有損傷惟當嚴密防範堵截毋任一名免脫為要即為時畧久勦除自更淨盡況阿桂帶領京兵暨保寧所統屯練降番日內早已到彼合力攻圍亦無難剋期蕝事佇待捷音之至至白楊嶺等處逆回想亦係底店石峯堡馬

家堡迸出之賊自應分兵往捕速期撲滅但策卜坦吉蘭泰二人向未經歷戎行況綠營兵丁又不如京兵之嫻習弓馬著傳諭阿桂福康安卽於巴圖魯侍衛內選派精細諳練者數員並於復興所帶京兵內每處派撥二百名令其帶往幫同策卜坦吉蘭泰上緊搜捕自更得力其馮光熊續調之甘涼等處兵丁亦當暫緩撤回以供搜捕堵截之用此次回匪等訂期起事早蓄逆謀因舉首有人田五等遂倉猝生變

迨竄往馬家堡時若剛塔等能嚴防後路及早完結
則其餘勾結之匪衆聞風斂跡逆形未露轉難查辦
而李侍堯剛塔仍然安於本任或待至一二年後又
不能保無蠢動之事彼時逆謀愈久勾結轉多殲除
更為不易今因馬鬍子等翻山逃遁而石峯堡底店
之賊遂紛紛接應經官兵以次勦捕遂使回匪逆謀
畢露轉得徹底根查萌芽淨盡從此永不至再生事
端此實仰荷

上天嘉祐朕轉輾思維益深敬畏又據奏稱詢之石峯堡附近居民賊匪於四十六年即修理石峯堡上年五月又加葺治整固衆所共知等語是此事李侍堯玩愒貽誤而剛塔在馬家堡縱賊之罪亦無可逭已令軍機大臣劄飭解員鳳翔等將伊二人迅速押赴熱河審訊治罪但賊匪似此逆蹟昭彰附近居民既已共見提督大員自有應得之咎而地方文武員弁何至毫無覺察稟報以致養癰貽患着阿桂福康安務

即查明賊匪修理石峯堡時係何員任內之事即將
貽誤之道府州縣並專管之武職營汛各員一面叅
奏一面拿問亦迅速解赴熱河治罪

臣等謹按行軍制勝在乎扼要爭先周防嚴密
必使無隙可抵方為計出萬全我

皇上前以福康安所進圖內石峯堡迤東及西南一面
未有防禦之兵慮賊人乘虛竄逸

諭令佔取賊營斷絕水道數千里外情形如燭照數計

迨福康安續奏奪得賊營四座接至黑風墩山
梁與鹿鹿山軍營聲勢聯絡先籌勝算早已在
聖明指掌之間益仰

神機廣運故諸臣得以凜遵集事功成迅速也

同日

上諭內閣曰官兵進勦石峯堡賊匪即日可期殲滅福
康安相度機宜調度有方海蘭察督率進攻倍為奮
勉五岱及旺沁班巴爾亦甚出力福康安海蘭察著

賞給御用玉牒各一枚大荷包一對小荷包二對旺
沁班巴爾着賞給御用大荷包一對小荷包二對五
岱着賞給御用大荷包一對小荷包一對福康安等
尤宜各加鼓勵迅速勦辦無使賊匪一名免脫

上又諭內閣曰前曾加恩將海蘭察之子安祿授為三
等侍衛此次海蘭察進勦底店等處賊匪踴躍奮勉
伊子安祿着授為二等侍衛在乾清門學習行走

同日福康安又奏言臣等率領官兵自隆德前進

將底店賊匪侵佔地方盡行攻復所有巴圖魯侍衛章京等帶兵進攻搜拿各處山溝曲徑殲戮賊衆連四晝夜迫近石峯堡賊巢佔取營柵實屬勇往出力內有超衆奮勉之員理合查明懇請

皇上加恩以示鼓勵奏入

上諭內閣曰此次巴圖魯侍衛章京兵丁等竭力殲賊勤勞奮勉甚屬可嘉乾清門侍衛巴圖魯泰斐英阿福寧護軍叅領巴圖魯阿滿泰俱着賞給副都統職

銜乾清門侍衛巴圖魯額爾登保着授為二等侍衛
萬濟奈着賞給哲克敦巴圖魯傳克精額着賞給奇
成額巴圖魯奇成保着賞給法施尚阿巴圖魯武韶
着賞給努塔巴圖魯珠爾杭阿着賞給希里圖巴圖
魯藍翎侍衛色靈額着賞給清連巴圖魯並各照例
賞銀一百兩三等侍衛遜濟奈藍翎侍衛佟保克星
額俱着授為二等侍衛委置烏鎔護軍叅領達延太
着授為副護軍叅領健銳營藍翎長德寧親軍滿柱

前峯薩隆保俱着遇有本營護軍校缺出即行補授
上又諭內閣曰據福康安奏阿拉善公伍爾圖納遜佐
領鍾呢於進剿底店等賊匪時均各奮勇打仗俱着
加恩賞戴花翎又總兵蘓靈候補遊擊德海及千總
等員俱奮勇勦賊蘓靈德海着加恩賞戴花翎千總
喬福祿着補授守備外委馬敷采着補授把總以示
鼓勵

同日福康安又奏言甘省自鹽茶靖遠通渭伏羌

以至靖寧隆德華亭秦安會寧安定等處凡逆回
所過民人俱被荼毒仰蒙

聖主念切痼瘼屢降

恩旨令將被難良民先行查明優予撫卹並蠲免本年
額賦臣現已謄黃曉示一面遴派幹員前往各屬
安撫招徠散給口糧並查明傷斃人口焚毀房屋
妥為撫卹無使一夫失所以期仰副

皇上忠愛黎元至意惟是賊人滋擾之時居民惶懼紛

紛逃避商賈罕通市集米糧希少以致糧價增昂
即未經被賊之民人亦覺艱於糴食近即據伏羌
縣稟報五月十八日賊匪攻城焚掠闕廟鄉間糧
石不能進城必須官糧糴賣以資接濟該縣一面
詳明一面開倉照市價一兩一錢二分二厘之數
大加酌減以每石九錢出糴於賊退之日停止計
共糴過倉斗小麥一千四百餘石經藩司查係實
在情形詳請准其以每石九錢報糴並請各屬內

如靜寧隆德等州縣有必須開倉平糶以濟民食者由該管道府確核情形據實報明一體辦理等情臣查例載平糶倉糧豐年每石照市價減銀五分歉年減價一錢若歉歲米價過昂必應大加酌減者該督撫確核奏

聞一面發糶等語今伏羌出糶糧石較時價每石減銀二錢二分三厘與例不符但當賊人攻擾之時小民糶食惟艱自難拘泥常例既據該司查明實在

欽定四庫全書

欽定四庫全書
卷十二

情形自應據實

奏明將該縣糶過小麥一千四百餘石准其照每石
九錢之數核報其餘被賊之處如靜寧隆德等州
縣亦應如該司所請一體核實酌減出糶以廣

皇仁仍飭該管道府隨時加意稽查如有糶多報少藉
圖侵冒者即行據實揭報以憑嚴叅奏入

上諭內閣曰前因甘省逆回不法擾害地方曾降旨令
福康安查明被難良民酌量撫卹並將該省本年應

徵錢糧概行豁免本日據福康安奏現在該省市集
糧價較昂其伏羌一縣已據該縣開倉減價出糶其
餘靜寧隆德等州縣曾經賊人經過處所亦應一體
核實酌減出糶等語向來出糶倉糧每以年成豐歉
照市價量為酌減今該省因賊人滋擾小民糶食維
艱安可復拘常例辦理着福康安即將應行出糶各
地方一體核查照例價大加酌減出糶期於民食有
濟並着嚴飭該管道府加意稽查如有糶多報少侵

冒情弊即將經手之員嚴叅治罪

二十七日庚戌

上諭內閣曰李侍堯久任封疆歷鍊地方事務數十年受朕恩眷最深迨調任雲貴總督後有收受廠銀等事一經發覺即將伊革職拿問治罪核其情節雖非近年王亶望陳輝祖圖泰郝碩等之貪婪賄賂敗檢營私者可比但其簞簋不飭已隳名節而損廉隅其時彙內外臣工之奏將李侍堯加恩暫緩典刑適因

甘省有蘓四十三之事需人辦理善後事宜一時總督驟不得人李侍堯究屬明白能事是以復將伊補授陝甘總督朕於李侍堯破格加恩原欲其倍加策勵查辦邪教安靖地方以贖前愆李侍堯稍有人心宜何如感激奮勉仰答朕恩乃本年回民田五於小山起事作逆李侍堯並不親帶兵丁設法勦捕彼時尚得以審辦賊黨籌畫軍餉為名追賊於馬家堡翻山逃遁伊仍逗遛靖遠軍營統攝無人賊遂肆行竄

逸勾結經朕於五月十二三十四等日屢次飭諭
始行移駐安定仍與賊踪遙遠以致賊黨蔓延到處
煽誘攻城掠堡擾害良民是李侍堯之畏蕙遷延實
為失機偵事賊人於四十六年即已修理石峯堡上
年五月又加葺治整固且田五陰謀不軌公然糾衆
聚集禮拜寺同商謀逆一切旗幟號衣帳房器械種
種齊備足見逆謀已有三四年之久李侍堯安坐省
城竟同聾瞶是其褻賊養癰釀成事變李侍堯之罪

百喙難辭此事辦理始終貽悞卽李侍堯平日如勒
爾謹之庸懦昏瞶尚不能曲宥其罪况李侍堯在各
省總督中素稱明白能事人所共知朕之棄瑕錄用
亦因其尚有才能冀其感恩出力乃竟於地方大事
貽悞至此朕更不能曲為之解抑且深自引咎愧恨
也至剛塔身任提督於賊匪起事時未能即時撲滅
及移駐馬家堡復為賊人誑騙致令翻山逃竄四出
滋擾惟知在後尾追毫無籌畫其罪實無可逭所有

福康安叅奏李侍堯剛塔之處俱係實在情節諒伊等亦無能委卸着將原摺發交留京王大臣會同大學士九卿科道核議定擬具奏

欽定石峯堡紀畧卷十二